



Broj: 05/2-50-15-28-24/23
Sarajevo, 12. 1. 2023.

Z A P I S N I K

24. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 12. 1. 2023, s početkom u 17 sati.

Prisutni članovi Odbora za žalbe građana Parlamentarne skupštine BiH: Boris Buha, predsjednik, Vjekoslav Vuković, prvi zamjenik predsjednika, Semir Šut, drugi zamjenik predsjednika, Tihomir Marinčić, Hana Korać, Miroslav Janjić i Merima Šenderović.

Ostali prisutni: Bojan Radojković iz Granične policije BiH, te Alma Tajić-Kurto, sekretarka Odbora za žalbe građana Parlamentarne skupštine BiH.

Sjednicu je sazvao i njome predsjedavao Boris Buha, predsjednik Odbora za žalbe građana.

Za sjednicu je predložen sljedeći

D N E V N I R E D

1. Usvajanje Zapisnika 23. sjednice Odbora za žalbe građana Parlamentarne skupštine BiH;
2. Razmatranje žalbi na rad policijskih službenika Granične policije BiH:
 - a) žalba broj: 05/2-50-17-1082/22 od 6. 7. 2022. i Izvještaj Granične policije BiH o izvršenim preliminarim provjerama, broj: 17-07-34-7-6032/22,
 - b) žalba broj: 05/2-50-17-1232/22 od 26. 7. 2022. i Izvještaj Granične policije BiH o provedenom internom postupku, broj: 17-07-34-7-6665/22 od 27. 12. 2022,
 - c) žalba broj: 05/2-50-17-1661/22 od 17. 10. 2022. i Izvještaj Granične policije BiH o provedenom internom postupku, broj: 17-07-34-7-9264/22 od 27. 12. 2022,
 - d) žalba broj: 05/2-50-17-1650/22 od 13. 10. 2022. i Izvještaj Granične policije BiH o izvršenim preliminarim provjerama, broj: 17-07-34-7-9091/22 od 4. 1. 2023;
3. Informacija Granične policije BiH, broj: 17-07-34-7-7546/22 od 28. 12. 2022, o okončanju disciplinskog postupka u predmetu po žalbi F. i N. M, broj: 05/2-50-17-1475/22 (Zaključak Odbora, broj: 05/2-50-15-28-23,7/22 od 21. 12. 2022);
4. Razmatranje Zahtjeva advokata B. B. za dostavu Izvještaja Granične policije BiH o provedenom internom postupku, broj: 17-07-34-7-9004/22, u vezi sa žalbom građanina I. S, broj: 05/2-50-17-1624/22;
5. Razmatranje anonimne prijave protiv policijskog službenika Granične policije BiH S. H;
6. Razmatranje Prijedloga izvještaja o radu Odbora za žalbe građana Parlamentarne skupštine BiH za 2022. godinu;

7. Razmatranje Prijedloga plana rada Odbora za žalbe građana Parlamentarne skupštine BiH za 2023. godinu.

Dnevni red usvojen je jednoglasno, bez dopuna.

Ad. 1. Usvajanje Zapisnika 23. sjednice Odbora za žalbe građana Parlamentarne skupštine BiH

Zapisnik 23. sjednice Odbora za žalbe građana Parlamentarne skupštine BiH usvojen je jednoglasno, bez primjedbi.

Ad. 2. Razmatranje žalbi na rad policijskih službenika Granične policije BiH:

- a) žalba broj: 05/2-50-17-1082/22 od 6. 7. 2022. i Izvještaj Granične policije BiH o izvršenim preliminarnim provjerama, broj: 17-07-34-7-6032/22,
- b) žalba broj: 05/2-50-17-1232/22 od 26. 7. 2022. i Izvještaj Granične policije BiH o provedenom internom postupku, broj: 17-07-34-7-6665/22 od 27. 12. 2022,
- c) žalba broj: 05/2-50-17-1661/22 od 17. 10. 2022. i Izvještaj Granične policije BiH o provedenom internom postupku, broj: 17-07-34-7-9264/22 od 27. 12. 2022,
- d) žalba broj: 05/2-50-17-1650/22 od 13. 10. 2022. i Izvještaj Granične policije BiH o izvršenim preliminarnim provjerama, broj: 17-07-34-7-9091/22 od 4. 1. 2023.

U okviru ove tačke dnevnog reda Odbor za žalbe građana razmatrao je četiri žalbe na rad i postupanje policijskih službenika Granične policije BiH, zajedno sa izvještajima Granične policije BiH o izvršenim preliminarnim provjerama.

U toku rasprave izjavitelj za predmete pod tačkom a) bio je Boris Buha, za predmete pod tačkama b) i c) Hana Korać, te za predmet pod tačkom d) Semir Šut.

Nakon rasprave, Odbor za žalbe građana Parlamentarne skupštine BiH zaključio je da u postupanju policijskih službenika Granične policije BiH i nadležnih tijela u predmetima pod a) i d) nisu utvrđene nepravilnosti niti povrede relevantnih zakona.

U okviru predmeta pod b) i c) utvrđeno je da je bilo kršenja službene dužnosti u postupanju policijskih službenika Granične policije BiH, kako je to i konstatirano u izvještajima Granične policije BiH, te da je protiv odgovornih osoba iz ovih predmeta upućen prijedlog za pokretanje disciplinskih postupaka, Odbor za žalbe građana obavezuje Graničnu policiju BiH da ga, po okončanju postupaka, obavijesti o njihovom ishodu.

Informacija o ishodu disciplinskog postupka obavezno mora sadržavati i podatke o vrsti i visini disciplinske sankcije, ukoliko je ona izrečena.

Ad. 3. Informacija Granične policije BiH, broj: 17-07-34-7-7546/22 od 28. 12. 2022, o okončanju disciplinskog postupka u predmetu po žalbi F. i N. M, broj: 05/2-50-17-1475/22 (Zaključak Odbora, broj: 05/2-50-15-28-23,7/22 od 21. 12. 2022)

Odbor za žalbe građana primio je k znanju navedenu informaciju Granične policije BiH.

Ad. 4. Razmatranje Zahtjeva advokata B. B. za dostavu Izvještaja Granične policije BiH o provedenom internom postupku, broj: 17-07-34-7-9004/22, u vezi sa žalbom građanina I. S, broj: 05/2-50-17-1624/22

Nakon rasprave o ovoj tački dnevnog reda, Odbor za žalbe građana usaglasio se da Zahtjevu advokata B. B. ne može udovoljiti.

Naime, u članu 15. stav (1) tačka e) Zakona o nezavisnim i nadzornim tijelima policijske strukture BiH ("Službeni glasnik BiH", broj 36/08) propisano je da je Odbor za žalbe građana nadležan za *davanje informacija podnosiocu žalbe u vezi s njegovom žalbom*.

Shodno navedenoj odredbi, Odbor za žalbe građana dostavio je podnosiocu žalbe informaciju o statusu žalbe i postupcima Odbora, a za dostavu izvještaja Odbor podnosioca zahtjeva upućuje da se obrati Graničnoj policiji BiH koja je i pripremala zahtjev.

Ad. 5. Razmatranje anonimne prijave protiv policijskog službenika Granične policije BiH S. H.

Odbor za žalbe građana prihvatio je anonimnu prijavu protiv policijskog službenika S. H. kao žalbu, te je na osnovu člana 15. stav (1) tačka a) Zakona o nezavisnim i nadzornim tijelima policijske strukture BiH ("Službeni glasnik BiH", broj 36/08), upućuje na nadležno postupanje Graničnoj policiji BiH.

Nakon provedene istrage, Granična policija BiH obavezuje se da izvještaj dostavi Odboru za žalbe građana, nakon čega će žalba biti razmatrana na nekoj od sjednica.

Ad. 6. Razmatranje Prijedloga izvještaja o radu Odbora za žalbe građana Parlamentarne skupštine BiH za 2022. godinu

Nakon rasprave, članovi Odbora za žalbe građana usaglasili su se da se u Prijedlogu izvještaja, Odjeljak F. mijenja i glasi:

"Odjeljak F. Ostale aktivnosti Odbora za žalbe građana

Odbor za žalbe građana održao je 23. 6. 2022. sastanak s GRECO-ovim evaluacijskim timom.

Također, Odbor za žalbe građana je, u skladu s Planom rada za 2022. godinu, realizirao tri posjete, i to:

Posjeta	Datum posjete
Graničnoj policiji BiH	17. 5. 2022.
Državnoj agenciji za istrage i zaštitu	7. 12. 2022.
Direkciji za koordinaciju policijskih tijela BiH	21. 12. 2022.

Tokom ovih posjeta posebno je istaknuto da je imperativ u radu Odbora omogućiti građanima pravičan postupak kada je riječ o njihovim žalbama na rad pripadnika policijskih tijela Bosne i Hercegovine. Konstatirano je da Odbor za žalbe građana ima zadatak da zaštiti građane od neovlaštenog, neprofesionalnog i neetičnog postupanja policijskih službenika, kao i da, s druge strane, zaštiti policijske službenike od kleveta i neosnovanih žalbi.

Prilikom posjeta članovi Odbora posebno su istakli potrebu partnerskog odnosa s policijskim agencijama Bosne i Hercegovine, kako bi rezultati rada bili bolji i kvalitetniji.

Shodno navedenom, može se zaključiti da je saradnja članova Odbora za žalbe građana i policijskih agencija Bosne i Hercegovine izuzetno dobra. Ovom prilikom potrebno je naglasiti i pohvaliti stručan, temeljit i izuzetno profesionalan rad i ponašanje službenika koji rješavaju predstavke građana u Graničnoj policiji BiH, Direkciji za koordinaciju policijskih tijela BiH, te Državnoj agenciji za istrage i zaštitu, kao i predstavnika policijskih agencija koji prisustvuju sjednicama Odbora.

Korektan i profesionalan odnos Odbora prema agencijama i obrnuto daje puni doprinos razumijevanju određenih pojava, a na koje je Odbor prema zakonu obavezan promptno reagirati kako bi se standardi u postupanju policijskih službenika podigli na viši nivo, s jedne strane, a s druge strane, zaštitili građani od svake vrste neprimjerenog ponašanja policijskih službenika.

Odbor za žalbe građana posebno naglašava angažman policijskih službenika u jedinicama unutrašnje kontrole, te potrebu da se kapaciteti ovih organizacionih jedinica jačaju, kako kadrovski, tako i tehnički.

Uzimajući u obzir sve provedene aktivnosti Odbora za žalbe građana, može se zaključiti da je Odbor sve obaveze i aktivnosti predviđene Zakonom o nezavisnim i nadzornim tijelima policijske strukture u BiH, Poslovnikom o radu Odbora za žalbe građana i Planom rada za 2022. godinu ispunio u potpunosti, odnosno u dijelu u kojem za realizaciju pojedinih aktivnosti nisu bila potrebna dodatna novčana sredstva.

Shodno navedenom, Odbor za žalbe građana, uz Izvještaj o radu za 2022. godinu, predlaže Parlamentarnoj skupštini BiH da usvoji i sljedeće zaključke:

1. Zadužuje se Uprava za indirektno oporezivanje BiH da izvrši neophodnu generalnu rekonstrukciju aparata za videonadzor, stare aparate zamijeni novim, te da, u saradnji s Graničnom policijom BiH, pronađe odgovarajuće rješenje problema nefunkcioniranja, odnosno lošeg funkcioniranja videonadzora na graničnim prijelazima u Bosni i Hercegovini;
2. Zadužuje se Uprava za indirektno oporezivanje BiH da, u saradnji s Graničnom policijom BiH, pristupi zamjeni dotrajalih zastava, odnosno isticanju zastava Bosne i Hercegovine u skladu s važećim propisima, a za čiju primjenu je nadležna i odgovorna Uprava za indirektno oporezivanje BiH;

3. Zadužuju se policijske agencije na nivou Bosne i Hercegovine da pokrenu inicijativu za obavljanje redovnog sistematskog pregleda policijskih službenika koji imaju dozvolu za nošenje oružja, a naročito pripadnika Jedinice za specijalnu podršku, s posebnim akcentom na psihološko testiranje, a s ciljem preveniranja neprimjerene i nezakonite upotrebe vatrenog oružja izazvane eventualnim psihološkim traumama;
4. Zadužuju se policijske agencije na nivou Bosne i Hercegovine da u okviru pravilnika o sistematizaciji radnih mjesta sistematiziraju radno mjesto psihologa koji bi, prema potrebi, pružao stručnu pomoć policijskim službenicima posebno u situacijama naročite izloženosti stresnim događajima;
5. Pozivaju se Vijeće ministara BiH i Ministarstvo finansija BiH da, u saradnji s policijskim agencijama na nivou Bosne i Hercegovine, izrade planove za realizaciju zaključaka pod tač. 3. i 4."

Odbor za žalbe građana jednoglasno je usvojio Izvještaj o radu Odbora za 2022. godinu, zajedno s utvrđenom izmjenom, te ga upućuje Parlamentarnoj skupštini BiH na usvajanje.

Ad. 7. Razmatranje Prijedloga plana rada Odbora za žalbe građana Parlamentarne skupštine BiH za 2023. godinu

Odbor za žalbe građana jednoglasno je usvojio Plan rada Odbora za 2023. godinu.

Ad. 8. Tekuća pitanja

U okviru ove tačke dnevnog reda Odbor za žalbe građana utvrdio je termin održavanja 25. sjednice.

Sjednica je završena u 17.45 sati.

Sekretarka
Odbora za žalbe građana
Alma Tajić-Kurto

Predsjednik
Odbora za žalbe građana
Boris Buha